

zu der ee werdē mag. Hastu sie aber frum gemacht.  
So freu dich du pist der lebēdig meister der noch ein  
frum weib gezihē und machē kan. Ich sag dir aber  
andre mere. ye mer dir liebes wirt. ye mer dir leides  
wider fert. Hest du dich vor liebes oberhabē. So wer  
stu nu leides entladē. ye grosser lieb zu erpenn. ye gro  
sser leit zu bekēnen. Leib. weib. kind. schaz. und alles  
irdisch gut mus; etwas freudē am anfang und mer  
leides an dem ende pringē. Alle irdische lieb mus; zu  
leid werdē leid ist liebes ende di freudē ende trauru ist.  
Nach lust unlust mus; kumē willes ende ist unwillē  
zu sulchē ende laufen alle lebēdige ding. Iren es pas;  
wiltu von cluckheit gazen.

Des clagers wider red das. xij. capitel

**N**ach schaden volgt spottē das empfundē wol die  
berubren. Also geschicht vō euch mir beschēdigten  
manne. Liebes entspent leides gewent habt ir mich  
als lang got wil mus; ich es vō euch leidē. wy stūpf  
ich pin. wie wenig ich han. und nicht gesezt pin zu  
synreichē hochē meistern. Dānoch weiß; ich wol das  
ir meiner erē ranber. meiner freudē diep. meiner guf  
lehtag steler. meiner wundē vernichter. vñ alles des  
das mir wūsames lebē gelubt und gemacht hat.  
ein zu storer leit. wes sol ich mich nu freuen. wo sol  
ich trost suchē. wo hin sol ich zu fluchtē habē. wo sol  
ich heilster vündē. wo sol ich treuen rat holen. Hin ist  
hin. Alle freud ist mir und meinē kindē ee der rechten  
zeit verschwandē zu feu ist sie uns entwilcht. Allzu